

Ilanngussaq 11 / bilag 11



Kukkunersuinermit Ataatsimiititaliaq / Revisionudvalget Inatsisartut

**20/9 2021-mi Kukkunersuinermit Ataatsimiititaliap allakkatigut 2020-mut Nunatta
Karsiata naatsorsuutaa pillugu ilanngussatut apeqqutaanut akissut**

1/10 2021-mi Kukkunersuinermit Ataatsimiititaliap allakkatigut 2020-mut Nunatta
Karsiata naatsorsuutaa pillugu ilanngussatut apeqquteqarpoq.

Manna akissut nassiunneqarpoq.

Brevdato: 18-10-2021
Sags nr. 2021 - 9873

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

----- OOO -----

**Besvarelse af Revisionsudvalgets supplerende spørgsmål i brev af den 1/10 2021
vedrørende Landskassens Regnskab for 2020**

Revisionsudvalget har i brev af den 1/10 2021 fremsendt supplerende spørgsmål til
Landskassens Regnskab 2020.

Herved fremsendes besvarelse.

Inussiarnersumik inuulluaqqusillunga

Med venlig hilsen


Asii Chemnitz Narup



2020-mut Nunatta Karsiata naatsorsuutai pillugit kukkunersuisut oqaaseqaataannut
ilassutitut apeqqutinut akissutit.

Akissutigineqartunut takussutissiaq

NAALAKKERSUISUT AKISSUTAANUT ILASSUTIT.....	2
20. ANINGAASAQARNERMUT NUNAMULLU NAMMINERMUT NAALAKKERSUISOQARFIK	2

P.O. Box 1037
3900 Nuuk
Oqa. (+299) 34 50 00
Fax (+299) 34 63 50
E-mail: asa@nanoq.gl
www.naalakkersuisut.gl

Naalackersuisut akissutaanut ilassutit

20. Aningaasaqarnermut Nunamullu Namminermt Naalackersuisoqarfik

Malittuaniittut pillugit ataatsimiititaliaq ilassutitut apequtissaqarpoq. .

**Nuna tamakkerlugu Kukkunersuisoqarfiup oqaaseqaataa 2016-04
” Akiligassaqarfinnut aamma aningaaserivinni inissitsikkat ammasut
nikinganerannut aalajangiineq amigaataasoq. ”**

Immikkoortoq taanna sulii suliarineqartoq Naalackersuisoq allappoq.

Pissutsit ukiuni arlalinni uparuarneqartarsimapput.

1. Tassani suut unammillernartuuppat?
2. Oqaaseqaataasoq matuneqassappat qanoq iliortoqarnissaanik Nuna tamakkerlugu Kukkunersuisoqarfik peqataaffigalugu ilaatigut anguniagassamik pilersitsisoqarnikuua.

Akissut:

1-imut

Akiligassaqarfinnut atatillugu ajornartorsiutit pingasut unammillernarput.

- a) Akiligassaqarfivut annerpaasa ilaat Namminersorlutik Oqartussani immikkoortortaqarfinni tamani kontumik pilersitsinikuupput, taakkulu akiligassaqarfimmuut taassumunnga pisiortortarlutik. Namminersorlutik Oqartussani akiligassaqarfiit ataatsimik kontoqarput. Tassa imaappoq, Namminersorlutik Oqartussat akiligassaqarfiit kontuanik ataatsimik naligiisitsiniaraangat akiligassaqarfinnut aningaasanut atukkanut takussutissiat 150-it tungaannut katersoriarlugit suliareqqaartariaqartarpaat.
- b) Covid-19 pissutigalugu angalanissarpasuit pisussaagaluiillu amerlasuut allat taamaatiinnarneqarsimanngikkunik allanngortinneqarsimapput. Tamanna pissutigalugu Namminersorlutik Oqartussanut pilersuisartut kreditnotarpassuarnik tunniussisimapput. Assersuutitut taaneqarsinnaavoq akiligassaqarfik ataaseq piffissami pineqartumi 4.000-inik amerlanerusunik kreditnotaliorsimavoq. Namminersorlutik Oqartussat suleriaasii naapertorlugit akiligassaqarfiit Namminersorlutik Oqartussani akiligassiissutinik ilanngaasiinikkut akiliisitsinatik kreditnotat akilertartussaavaat. Akiligassaqarfiit tamarmik sulii suleriaaseq taanna akuerisimanngilaat.
- c) Akiligassaq pillugu isumaqatigiinngissuteqarpat Qitiusumik Naatsorsuuseriffiup Namminersorlutik Oqartussani immikkoortortaqarfik akiligassaqarfimmik suleqateqarsimasoq akiligassaqarfillu peqatigalugit aaqqiagiinngissut aaqqissavaat.

Aningaaserivimmit naligiissarinerit eqqarsaatigalugit Qitiusumik Naatsorsuuseriffik Namminersorlutillu Oqartussat avataanni immikkoortortaqaarfinni naatsorsuuserineri akisussaaffik ersarissumik agguarneqarnikuvoq. Qitiusumik Naatsorsuuseriffiup naligiissarinerit akisussaaffigai inissitsikkallu ammasut naligiisinnissaat immikkoortortat akisussaaffigaat. Qitiusumik Naatsorsuuseriffiup naliliinera naapertorlugu ingammik immikkoortortani sulisunik taarseraaffiusuni imaluunniit atorfinnik inuttalerneqanngitsuni inissitsikkat ammasut naligiisinnissaat ajornartorsiutaavoq.

2-mut

Nunap kukkunersiuisua peqatigalugu oqaaseqaatip matuneqarnissaanut anguniagassamik pilersitsisoqarsimannngilaq. 2021-mi Qitiusumik Naatsorsuuseriffiup akiligassalinnut, akiligassaqaarfiit aamma aningaaserivimmiittuutit naligissaarneri ukkatarisimavaat. Suliamut tassunga isumalluutit annertusineqarput.

Innersuussut 12

Nuna tamakkerlugu Kukkunersiuisoqarfik allappoq

"5.4. Avataanit aningaasaliissutit.

Avataanit aningaasaliissutit Suliassaqaarfinni arlalinni isertitat avataanit suleqatinit pissarsiarineqartarput. Isertitat taakkua siunertanut aalajangersimasunut atorneqartussaapput. Tassaasinnaapput Aatsitassaqaarnermik suliassaqaarfimmi oqartussaaffeqartutut sulianit isertitat aamma ilisimatusarnermik suliassaqaarfimmi suliniutit avataanit aningaasalersorneqartut.

Isertitat aamma aningaasartuutit taakkua kontut inerneqareersut atorlugit ingerlanneqarput aamma taamaattumik immikkoortortat ingerlatsineri kontuannut toqqaannartumik sunniuteqartaralik.

Taamaattumik kontuni taakkunani nikinnerit Namminersorlutik Oqartussat naatsorsuutaanni ersinngillat.

Taamaattumik suli innersuussutigaarput, sammisat taakkua pillugit Namminersorlutik Oqartussat naatsorsuutaanni immikkoortunik allakkiaqassasoq, taamaaliornikkut naatsorsuutininik atuartumit erseqqissumik takuneqarsinnaaqullugu sammisat taakkua Namminersorlutik Oqartussat ukiumoortumik naatsorsuutaanut qanoq sunniuteqarnerisut."

Naatsorsuutit tullissaani naammassineqarnissaannut pissutsit nalilersuiffiqineqassasut Naalakkersuisoq innersuussut 12-imut akissuteqaammi allappoq.

31.12.2020 aallarnerfigalugu suliniutit ingerlanneqartut anginerpaat pingasut kiisalu ukioq 2020-mi suliniutit marluk naammassineqartut pillugit allakkiaq

taama ittoq qanoq isikkoqassanersoq pillugu assersuuteqartoqassasoq ataatsimiititaliamit qinnutigineqarpoq.

Akissut:

Suliniutit avataanit aningaasalersorneqartut kontui ullormi 31.12.2020-mi ilanngaait peereerlugit 72,0 mio. kr.-nik imaqarput. 2020-p aallartinnerani ilanngaait peereerlugit 44,4 mio. kr.-nik imaqarput.

Namminersorlutik Oqartussat aningaasaateqarfinnut legatinullu, suliffeqarfinnut pisortanit ilaannakortumik pigineqartunut qinnuteqarnikkut, tunissuteqarnikkut katersuisoqarnikkullu avataaniit aningaasalersorneqarsinnaapput. Tamatuma saniatigut siunertamut aalajangersimasunut assersuutigalugu pikkorissartitsinermut atatillugu immikkoortortat akornanni aningaasanik nuussisoqarsinnaavoq. Aammattaaq Aatsitassanut Aqutsisoqarfiup kontut taakku ikummatissanut tunngatillugu ilisimatusaatissatut ineriartortitassatullu suliniutinut atortarpai

Immikkoortortaq aningaasanik tiguisusaaq aqunnissaannik akisussaaffeqarpoq. Ullormi 31.12.2020-mi aningaasanut inatsimmi susassaqarfinni 80-ini suliniutit avataanit aningaasalersorneqartut nalunaarsorneqarsimapput.

Oqaatigineqassaaq suliniutit avataanit aningaasalersorneqartut Namminersorlutik Oqartussat ingerlatsinermi, IST-mi IS-imiluunniit angusanut sunniuteqanngitsut.

Aningaasanut inatsimmi kontumi Innarluutilinnik paaqqinniffiit 301341-mi suliniutinut avataanit aningaasalersorneqartuni 13,9 mio. kr.-nik aningaasaliisoqarsimasoq nalunaarsorneqarpoq. Aningaasaliissutit taakku innarluutilinnik paaqqinniffiit ingerlatsinermut, pisiortornermut najugaqartunullu pisariaqartitaannut assersuutigalugit isarussanut, atisanut assartuussinermullu attuumassuteqarput.

Aningaasanut inatsimmi kontumi Ikummatissat nittarsaassinissarlu pillugit suliniutit 641604-mi avataanit aningaasalersorneqartuni 44,2 mio. kr.-nik isertitaqartoqarsimasoq nalunaarsorneqarpoq. Isertitat taakku ingerlatseqatigiit suliffeqarfiillu uuliasiornermut akuersissuteqartunut 16-inut attuumassuteqarput.

Aningaasanut inatsimmi kontumi Pinngortitaleriffik 770502-mi suliniutit avataanit aningaasalersorneqartuni 21,5 mio. kr.-nik isertitaqartoqarsimasoq nalunaarsorneqarpoq. Isertitat taakku 2020-mi suliniutinut 130-t missaannut aningaasaliissutitut Miljøfondimit, Carlsbergfondimit aammalu New Yorkimi Alaskamilu ilisimatusarfinnit tunissutaaneersuupput.

Suliniutit avataanit aningaasalersorneqartut Nunatta Karsiata naatsorsuutaani naatsorsuutini "Nalunaakkat piffissamut killilikkat"-ni akiitsut piffissami sivikitsumi akilersugassat ataanni ilaatinneqarput.

Taamaammat nassuiaat imatut ilusilersorneqassasoq takorloorneqarpoq:

21 Suliniutit avataanit aningaasalersorneqartut

Mio. kr.	2019	2020
Nalunaakkat piffissamut killilikkat	661	526
Taakkunani suliniutit avataanit akilerneqarsimasunut tunngasut	44	72



INATSISARTUT

Aningaasaqarnermut Naalackersuisoq

Ulloq: 01-10-2021

J.nr.: 01.32.02-00061

Nunatta Karsiata 2020-mut naatsorsuutai pillugit kukkunersuisut nalunaarutaat pillugu akissuteqaammut ilassutitut apeqqutit

Malittuaniittut pillugit ataatsimiititaliaq ilassutitut apeqqutissaqarpoq.

Nuna tamakkerlugu Kukkunersuisoqarfip oqaaseqaataa 2016-04

" Akiligassaqarfinnut aamma aningaaserivinni inissitikkat ammasut nikinganerannut aalajangiineq amigaataasoq. "

Immikkoortoq taanna suli suliarineqartoq Naalackersuisoq allappoq.

Pissutsit ukiuni arlalinni uparuarneqartarsimapput.

- Tassani suut unammillernartuuppat.
- Oqaaseqaataasoq matuneqassappat qanoq iliortoqarnissaanik Nuna tamakkerlugu Kukkunersuisoqarfik peqatifalugu ilaatigut anguniagassamik pilersitsisoqarnikuua.

Innersuussut 12

Nuna tamakkerlugu Kukkunersuisoqarfik allappoq

" 5.4. Avataanit aningaasaliissutit.

Avataanit aningaasaliissutit Suliassaqarfinni arlalinni isertitat avataanit suleqatinit pissarsiarineqartarput. Isertitat taakkua siunertanut aalajangersimasunut atorineqartussaapput. Tassaasinnaapput Aatsitassaqarnermik suliassaqarfimmi oqartussaaffeqartutut sulianit isertitat aamma ilisimatusarnermik suliassaqarfimmi suliniutit avataanit aningaasalersorneqartut.

Isertitat aamma aningaasartuutit taakkua kontot inerneqareersut atorlugit ingerlanneqarput aamma taamaattumik immikkoortortat ingerlatsinermi kontoannut toqqaannartumik sunniuteqartaratik.

Taamaattumik kontoni taakkunani nikerit Namminersorlutik Oqartussat naatsorsuutaanni ersinngillat. Taamaattumik suli innersuussutigaarput, sammisat taakkua pillugit Namminersorlutik Oqartussat naatsorsuutaanni immikkoortunik allakkiaqassasoq, taamaaliornikkut naatsorsuutunik atuartumit erseqqissumik takuneqarsinnaaqulluq sammisat taakkua Namminersorlutik Oqartussat ukiumoortumik naatsorsuutaanut qanoq sunniuteqarersut."

Naatsorsuutit tullissaani naammassineqarnissaannut pissutsit nalilersuiffigineqassasut Naalackersuisoq innersuussut 12-imut akissuteqaammi allappoq.

31.12.2020 aallarnerfigalugu suliniutit ingerlanneqartut anginerpaat pingasut kiisalu ukioq 2020-mi suliniutit marluk naammassineqartut pillugit allakkiaq taama ittoq qanoq isikkoqassanersoq pillugu assersuuteqartoqassasoq ataatsimiititaliamit qinnutigineqarpoq.

Ulloq 15.10.2021 sioqqullugu akissuteqartoqarnissaa ataatsimiititaliamit qinnutigineqarpoq.

Atortussat Kukkunersuineranut Ataatsimiititaliap allatseqarfianut nassiunneqarsinnaapput mail: stquo@inatsisartut.gl

Inussiarnersumik inuulluaqqusillunga



Mariia Simonsen

Kukkunersiunermtut Ataatsimiititaliami Siulittaasoq